

Z A P I S N I K

sa 02. sjednice Upravnog odbora Šahovskog saveza Federacije Bosne i Hercegovine, održane 14.02.2015.godine u J.U. „Dom penzionera sa stacionarom“ Ze-do kantona u Zenici.

Rad sjednice je počeo u 11,00 časova.

Rad sjednicom je započeo Prim.Mulić Sulejman, dr.med. nakon što je utvrđeno da sjednici prisustvuju: Prim.Mulić Sulejman, dr.med., Čengić Šemsudin, Redžepović Mustafa, Demirović Sead, Obuća Bajro, Topić Izet, Duraković Edhem, Šestić Vedad, Kustura Hajrudin, Robović Sead i Abdić Husnija kao predsjednik Skupštine. Iz opravdanih razloga sjednici nije prisustvovao gosp. Žmukić Sretko. Bez prava odlučivanja sjednici su prisustvovali gosp. Cvijetinović Milan, predsjednik Sudijske komisije i članovi Komisije Mirza Miralem i Miskiće Sejfidin.

Na osnovu primljenih prijedloga i predmeta, usvojen je sljedeći:

D N E V N I R E D:

1. Usvajanje Zapisnika sa 01.sjednice Upravnog odbora ŠSFBiH
2. Razmatranje i usvajanje izvještaja sa Osmog otvorenog pojedinačnog muškog i ženskog seniorskog prvenstva ŠSFBiH
 - direktora
 - glavnog sudije
 - finansijski izvještaj
3. Razmatranje i usvajanje najpovoljnijih ponuda za organizaciju:
 - XXII ekipnog prvenstva ŠSFBiH – Prva „A“, Prva „B“ i Druga liga
 - XXI pojedinačnog otvorenog kadetskog i juniorskog prvenstva ŠSFBiH
 - Devetog otvorenog pojedinačnog muškog i ženskog seniorskog prvenstva ŠSFBiH
4. Kalendar takmičarskih aktivnosti ŠSFBiH za 2015.godinu
5. Razmatranje prijedloga Sudijske komisije za određivanje sudija za zvanična takmičenja koje organizuje ŠSFBiH u 2015.godini
6. Verifikacija Programa rada UO ŠSFBiH
7. Verifikacija Plana rada komisija ŠSFBiH:
 1. Sudijske komisije
 2. Takmičarske komisije
 3. Komisije za kadetski šah
8. Informacija o neizmirenim obavezama prema ŠSFBiH za 2011. 2013. i 2014.godinu
9. Informacija o izvršenoj promjeni upisa ŠSFBiH kod Federalnog ministarstva pravde Sarajevo i izvršenoj promjeni potpisnika kod Investiciono-komercijalne banke DD Zenica
10. Zahtjev ŠK „Goražde“ za sufinansiranje Devetog Memorijalnog turnira „Sead Bičević“
11. Donošenje Odluke o plaćanju kotizacije klubova za učešće na šahovskim ligama u organizaciji ŠSFBiH za 2015. godinu
12. Donošenje Odluke o plaćanju kotizacije za učešće na XXI kadetskom i juniorskom prvenstvu ŠSFBiH za 2015. godinu
13. Donošenje Odluke o plaćanju kotizacije za učešće na Devetom otvorenom pojedinačnom muškom i ženskom seniorskom prvenstvu ŠSFBiH za 2015.godinu
14. Donošenje Odluke o registraciji klubova i igrača pri ŠSFBiH
15. Donošenje Odluke o dvojnoj registraciji domaćih igrača u Prvoj „A“, „B“ i Drugoj ligi ŠSFBiH za 2015.godinu
16. Donošenje Odluke o nastupu stranaca u Prvoj „A“, „B“ i Drugoj ligi ŠSFBiH za 2015.godinu

17. Donošenje Odluke o nemogućnosti nastupa igrača na zvaničnim takmičenjima u organizaciji ŠSFBiH u 2015.godini a koji budu igrali na zvaničnim takmičenjima u organizaciji ŠSRS i ŠSHB u 2015.godini
18. Donošenje Odluke o obavezi klubova koji će se takmičiti u Drugoj ligi ŠSFBiH u 2015.godini da u svom standardnom sastavu od šest igrača moraju imati juniora do 20 godina
19. Razno:
 1. Verifikacija Odluke, br. 182/14., od 29.09.2014.god.
 2. Verifikacija Odluke, br. 184/14., od 29.09.2014.god.
 3. Verifikacija Odluke, br. 231/14., od 29.10.2014.god.
 4. Verifikacija Odluke, br. 233/14., od 04.11.2014.god.
 5. Verifikacija Odluke, br. 238/14., od 15.12.2014.god.
 6. Verifikacija Odluke, br. 239/14., od 15.12.2014.god.

Ad 1. Nakon provedene diskusije članovi Upravnog odbora su većinom glasova 9 “ZA” i 1 “PROTIV” usvojili Zapisnik sa 01. sjednice UO ŠSFBiH.

Ad 2. Nakon provedene diskusije u kojoj su učestvovali gosp.Redžepović Mustafa, Bajro Obuća, Šestić Vedad i Demirović Sead jednoglasno je usvojen izvještaja sa Osmog otvorenog pojedinačnog muškog i ženskog seniorskog prvenstva ŠSFBiH s tim da u saradnji sa Sudijskom komisijom glavni sudija prvenstva gosp.Kemura Emin uradi ponovno sudijski izvještaj i dostavi ga Upravnom odboru na usvajanje.

Sastavni dio Zapisnika je predmetni Izvještaj.

Ad 3. 1.) Upravni odbor ŠSFBiH većinom glasova je odlučio da se za organizaciju XXII ekipnog prvenstva - Prva "A", Prva "B" i Druga liga ŠSFBiH za 2015.godinu prihvati ponuda HTD “ZENIT-BRO” d.o.o., Neum, Hotel “ZENIT”, d.o.o., iz Neuma, sa cijenom punog pansiona po osobi i danu u jednokrevetnoj sobi od 93,00 KM + 2,00 KM boravišne takse i u dvokrevetnoj sobi 70,00 KM + 2,00 KM boravišne takse. Cijena polupansiona po osobi i danu u dvokrevetnoj i trokrevetnoj sobi 61,00 KM + 2,00 KM boravišne takse.

Prvenstvo će se održati u periodu od 29.08. do 04.09.2015.godine.

Na sjednici je konstatirano da su Ponude za organizaciju XXII ekipnog prvenstva ŠSFBiH u šahu za seniore za 2015.godinu – Prva "A", Prva "B" i Druga liga dostavili:

1. Hotelsko-ugostiteljsko-turističko-dioničko društvo “Aduna”, Bihać
2. HTD “ZENIT-BRO” d.o.o., Neum, Hotel “ZENIT”, d.o.o., Neum
3. GRAND hotel „Neum“, Neum, HTP “NEUM”, d.o.o., Neum
4. D.D. “DUBRAVA”, Cazin, Hotel “SEDRA”, Ostrožac na Uni
5. Hotel “STELLA”, Neum
6. ŠK “Bihać”, Bihać

Prije samog razmatranja Ponuda gosp.Duraković Edhem je izjavio da ŠK “Bihać” povlači svoju Ponudu.

1. Hotelsko-ugostiteljsko-turističko-dioničko društvo “Aduna”, Bihać u Ponudi su naveli slijedeće:

1. Cijena punog pansiona sa boravišnom taksom i osiguranjem po osobi 70,00 KM
2. Osiguravaju optimalne uslove smještaja i ishrane (hotelski 70-90 učesnika),
3. Osiguravaju jednu jednokrevetnu sobu po ekipi (20 ekipa),
4. Osiguravaju telefonsku liniju i kancelariju za izradu biltena gratis,
5. Osiguravaju tri dvokrevetne i dvije jednokrevetne sobe sa punim pansionom za četiri šahovske sudije, potrebe ŠSFBiH stručne službe, gratis,
6. Osiguravaju sudijsku taksu i putne troškove u ukupnom iznosu od 1.800,00 KM, honorar za direktora 600,00 KM i izradu biltena od 600,00 KM (ukupno 3.000,00 KM),
7. Osiguravaju odgovarajuće sale za igru za 120 igrača (60 stolova i 120 stolica), kao i četiri stola i osam stolica za sudije i druge neophodne uslove za nesmetano odvijanje takmičenja,

8. Osiguravaju odgovarajući smještaj kao i raznovrstan jelovnik. Pansion počinje sa ručkom a završava sa doručkom,
9. U saradnji sa ŠSFBiH uradiće protokol otvaranja i zatvaranja prvenstva

2. HTD “ZENIT-BRO” d.o.o., Neum, Hotel “ZENIT”, d.o.o., Neum u Ponudi su naveli sljedeće:

1. Osiguravaju hotelske usluge punog pansiona za 70 osoba,
2. Osiguravaju jednu jednokrevetnu sobu po ekipi (20 jednokrevetnih soba, ostale dvokrevetne i trokrevetne sobe),
3. Osiguravaju prostoriju za press centar sa telefonskom i fax linijom - gratis,
4. Osiguravaju besplatan pansion za 4 osobe (dvije dvokrevetne sobe – šahovske sudije) kao i sudijsku taksu i putne troškove u iznosu od 1.800,00 KM,
5. Osiguravaju gratis puni pansion za 4 osobe (dvije jednokrevetne sobe i jednu dvokrevetnu za potrebe stručne službe ŠSFBiH, kopiranje biltena,
6. Osiguravaju honorar: 600,00 KM za direktora i izradu biltena 600,00 KM = ukupno: 1.200,00 KM,
7. Osiguravaju odgovarajuće sale za igru 120 igrača (60 stolova i 120 stolica) + 4 stola i osam stolica za sudije

Cijene hotelskih usluga u terminu od 22.08. – 28.08.2015.

- Puni pansion u jednokrevetnoj sobi 98,00 KM
- Puni pansion u dvokrevetnoj sobi 75,00 KM po osobi i danu
- Polupansion u dvokrevetnoj i trokrevetnoj sobi 66,00 KM po osobi i danu
- Boravišna taxa 2,00 KM po osobi i danu
- Navedene cijene usluga podrazumijevaju buffet doručak, ruča i večeru
- Korištenje sadržaja za sport i rekreaciju i konferencijskih sala sa opremom koju Hotel ima na raspolaganju – gratis
- U cijene usluga uračunata je zakonska stopa poreza (PDV),

Cijene hotelskih usluga u terminu od 29.08. – 04.09.2015.

- Puni pansion u jednokrevetnoj sobi 93,00 KM
- Puni pansion u dvokrevetnoj sobi 70,00 KM po osobi i danu
- Polupansion u dvokrevetnoj i trokrevetnoj sobi 61,00 KM po osobi i danu
- Boravišna taxa 2,00 KM po osobi i danu
- Navedene cijene usluga podrazumijevaju buffet doručak, ruča i večeru
- Korištenje sadržaja za sport i rekreaciju i konferencijskih sala sa opremom koju Hotel ima na raspolaganju – gratis
- U cijene usluga uračunata je zakonska stopa poreza (PDV),

8. Plaćanje po predračunu, doznakom na račun prije početka korištenja usluga,
9. Rezervacije, najkasnije do 01.08.2015.godine za prijavljene poslije navedenog roka Hotel nije obavezan osigurati smještaj,
10. Otkazivanje rezervacije najkasnije 7 dana prije početka usluga, za otkazane rezervacije poslije ovog roka ne vraćaju novac,
11. Kontakt telefon: 036/880-142, fax: 036/880-140, e-mail: info@hotel-zenit.com

3. GRAND hotel „Neum“, Neum u Ponudi su naveli sljedeće:

1. Za sve učesnike (minimalno 70 učesnika) osiguravaju optimalne uvjete smještaja i prehrane prema zahtjevima ŠSFBiH,
2. Osiguravaju jednu jednokrevetnu sobu po ekipi (20 ekipa),
3. Hotel raspolaže kvalitetnim dvoranama za organizaciju takmičenja, kao i pomoćnim prostorijama (press centar, tajništvo i sl. sa potrebnom opremom, telefon, fax, internet i sl.),
4. Osiguravaju gratis dvije dvokrevetne sobe za 4 šahovske sudije (Međunarodni i FIDA sudija i dvojica Državnih sudija) kao i sudijsku taksu i putne troškove u ukupnom

iznosu od 1.800,00 KM,

5. Osiguravaju gratis pansion za dvije jednokrevetne i jednu dvokrevetnu sobu za 4 osobe sa hranom za potrebe ŠSFBiH (Stručna služba) te gratis kopiranje biltena i honorar za direktora (600,00 KM) i izradu biltena u iznosu od 600,00 KM,
6. Osiguravaju sale za igru 120 igrača sa 60 stolova i 120 stolica + 4 stola i 8 stolica za sudije sa kvalitetnim osvjetljenjem,
7. Osiguravaju smještaj i kvalitetnu prehranu sa odgovarajućim jelovnikom,
8. Pansion počinje sa ručkom a završava doručkom

Cijene iznose:

- Puni pansion u 1/2 sobi po osobi na dan 78,00 KM
- Puni pansion u 1/1 sobi po osobi na dan 98,00 KM
- Boravišna taksa 2,00 KM po osobi na dan
- U cijenu pansiona je uključen PDV
- U cijenu je još uključeno: korištenje bazena sa morskom vodom, sauna, parne kupelji, teretane, WIFI internet i parkinga
- Prijava timova/sudionika najkasnije do 20.08.2015. godine pisanim putem (faxom ili mailom)
- Plaćanje prije dolaska takmičara na bankovni račun hotela ili gotovinski na recepciji hotela prilikom dolaska učesnika

4.D.D. "DUBRAVA", Cazin, Hotel "SEDRA", Ostrožac na Uni u Ponudi su naveli slijedeće:

1. Osiguravaju smještaj i hranu na bazi punog pansiona 56,00 KM + 4,00 KM (boravišna taksa i osiguranje) po osobi po danu, u period od 29.08. do 04.09.2015., plaćanje gotovinom na recepciji Hotela "Sedra",
2. Usluga počinje ručkom i završava doručkom,
3. Osiguravaju po jednokrevetnu sobu po ekipi (20 ekipa),
4. Osiguravaju uslove Press centra (telefon, fax, kancelariju za izradu biltena),
5. Osiguravaju pansion i dvije dvokrevetne sobe za četiri sudije (Međunarodni i FIDA, dvojica Državnih sudija),
6. Osiguravaju smještaj za potrebe stručne službe ŠSFBiH (četiri osobe sa svim honorarima),
7. Osiguravaju odgovarajuću salu za igru na bazi 120 učesnika (sala, stolove, stolice),
8. Osiguravaju protokol otvaranja i zatvaranja takmičenja, i sva dodatna popratna pomagala koja budu potrebna za održavanje takmičenja

5. Hotel „Stella“, Neum u Ponudi su naveli slijedeće:

1. Za organizaciju takmičenja nude:

- Termin od 28.08. - 03.09.2015.
- Broj osoba cca 70 – 90
- Smještaj učesnika u dvokrevetnim i jednokrevetnim sobama
- Puni pansion
- Sale za organizaciju natjecanja

2. Smještaj – cijena:

- Puni pansion u 1/2, 1/1 sobama - 90,00 KM

3. Sale za organizaciju natjecanja

- Sale za natjecanja – gratis
- Plaćanje žiralno

Nakon provedene diskusije odlučeno je da se primijeniti isti princip glasanja kao i prošle godine.

Svih 10 članova Upravnog odbora su dobili priliku, nakon upoznavanja sa pristiglim ponudama, da svoje mišljenje iskažu na listiću glasajući za određenu ponudu. Glasanje je bilo tajno, a nakon predaje listića predsjednik Takmičarske komisije je čitao rezultate glasanja. Predsjednik ŠSFBiH je sabirao rezultate glasanja, proglašavao rezultate i

ponudu koja je dobila takmičenje. Tako je nakon glasanja utvrđeno da je Ponuda HUT "Aduna", Bihać dobila 30 bodova, Ponuda HTD "ZENIT-BRO"d.o.o., Neum, Hotel "ZENIT", d.o.o., dobila 36 bodova, Ponuda GRAND hotela „Neum“, Neum dobila 34 boda, Ponuda D.D. "DUBRAVA", Cazin, Hotel "SEDRA", Ostrožac na Uni dobila 31 bod i Ponuda Hotela „Stella“, Neum 19 bodova.

Na osnovu utvrđenih rezultata predsjednik Upravnog odbora gosp. Mulić Sulejman je proglasio da je tehničku organizaciju XXII ekipnog prvenstva ŠSFBiH u šahu za seniore za 2015.godinu – Prva "A", Prva "B" i Druga liga dobio HTD "ZENIT-BRO"d.o.o., Neum, Hotel "ZENIT", d.o.o. što je Upravni odbor i potvrdio.

Sa domaćinom XXII ekipnog prvenstva ŠSFBiH u šahu za seniore za 2015.godinu – Prva "A", Prva "B" i Druga liga ŠSFBiH će sklopiti ugovor o međusobnim pravima i obavezama proisteklim iz objavljenog Konkursa ŠSFBiH, br.03/15. od 06.01.2015.

Utvrđen je termin lige od 29.08. do 04.09.2015.godine.

2. Upravni odbor ŠSFBiH većinom glasova je odlučio da se za organizaciju XXI otvorenog kadetskog i juniorskog prvenstva ŠSFBiH za 2015.godinu prihvati Ponuda Šahovskog saveza Tuzlanskog kantona.

Smještaj obezbijeđen u Hotelu "Lukavac" u Lukavcu sa cijenom punog pansiona sa boravišnom taksom od 45,00 KM po osobi dnevno.

XXI otvoreno kadetsko i juniorsko prvenstvo ŠSFBiH za 2015.godinu će se održati u periodu od 16.04. do 19.04.2015.godine.

Na sjednici je konstatirano da su ponude za organizaciju XXI pojedinačnog otvorenog kadetskog i juniorskog prvenstva ŠSFBiH za 2015.godinu dostavili:

1. Šahovski savez Tuzlanskog kantona, Tuzla
2. Mjesna zajednica Kulen-Vakuf, Bihać
3. Šahovski klub "Bihać", Bihać
4. Vatrogasno društvo Kulen-Vakuf, Bihać
5. J.U."Penzionerski dom sa stacionarom" Ze-do kantona, iz Zenice
6. Hotel "Stella", Neum

1. Šahovski savez Tuzlanskog kantona u Ponudi su naveli sljedeće:

1. Igrači, treneri i pratioci bit će smješteni u Hotelu "Lukavac" u Lukavcu,
2. Cijena punog pansiona sa boravišnom taksom iznosi 45,00 KM po osobi dnevno,
3. Hotel raspolaže odgovarajućim prostorom za igru,
4. Šahovski savez Tuzlanskog kantona osigurava odgovarajuću dokumentaciju za sudije,
5. Prihvataju izradu Protokola otvaranja i zatvaranja Prvenstva,
6. Prihvataju osiguranje pehara pobjednicima u svim konkurencijama (muškarci i žene), i izradu diploma za po tri najbolje plasirana u svakoj kategoriji,
7. Obezbjeđuju gratis pansion za glavnog sudiju, i prihvataju isplatiti honorar glavnom sudiji u iznosu od 225,00 KM i stvarne putne troškove,
8. O svom trošku obezbijedit će optimalan broj pomoćnika glavnog sudije, imenovati direktora Prvenstva i prateće administrativno osoblje,
9. Prihvataju obavezu izrade završnog biltena, sa rezultatima, konačnim tabelama i listom učesnika u svakoj kategoriji,
10. Rezervacija smještaja obavezna. Kontakt osoba: Mirela Moranjkić, tel: 035/550-600, 035/550-601, fax: 035/550-602, e-mail: info@hotel-lukavac.ba
11. Način plaćanja: žiralo ili gotovinski odmah nakon ispostavljene fakture,
12. Kotizacija po igraču iznosi 20,00 KM i ide u korist Organizatora-domaćina,
13. Prihvataju obavezu uplate 50% kotizacije u korist ŠSFBiH,
14. Prvenstvo bi se igralo u periodu od 16.04.-19.04.2015.godine
15. Tehnički organizator dodatno jamči i sljedeće:
 - Postavljanje rezultata Prvenstva na server Chess-Results, ažuriranje podataka na server najkasnije 10 minuta po završetku kola i dostavljanje linkova uredniku web stranice

ŠSFBiH,

- Pravodobno postavljanje fotogalerije s Prvenstva na server i dostavljanje linkova uredniku web stranice ŠSFBiH,
- Izradu banera, plakata, formulara i ostalog potrošnog materijala,
- Mogućnost da pomoćne sudije budu osobe koje su dovele učesnike (treneri, vođe puta)

2. Mjesna zajednica Kulen-Vakuf, Bihać u Ponudi su naveli slijedeće:

1. Osiguravaju odgovarajući smještaj za cca 70 učesnika u Motelima i privatnim smještajima,
2. Cijena punog pansiona sa boravišnom taksom dnevno po osobi 42,00 KM,
3. Osoba za kontakt smještaj: Alija Dervišević, mob.061/860-390
4. Način plaćanja: Gotovinom na licu mjesta ili putem žiro-računa, ovisno o mjestu smještaja i na osnovu predračuna,
5. Kontakt osoba vezano za tehničku organizaciju: Edhem Duraković, 061/144-145,
6. Prihvataju sve uslove iz tačaka Konkursa 2, 4, 5, 6, 7, 8, 9, 13. i 14.

Napomena:

- Za vrijeme boravka nude učesnicima besplatan obilazak nacionalnog parka "Una", Bihać
- Pratiocima, roditeljima i dr.nude boravak po istoj cijeni ili samo prenoćište po dogovoru (gost-domaćin)

3. Šahovski klub „Bihać“ , Bihać u Ponudi su naveli slijedeće:

1. Prihvataju kompletnu organizaciju smještaja, boravka, ishrane i takmičenja Prvenstva u mjestu Kulen-Vakuf po cijeni punog pansiona dnevno po osobi od 42,00 KM
2. Nude pansioni smještaj u motelima, privatni smještaj (seoski turizam) u jednokrevetnim, dvokrevetnim i trokrevetnim sobama,
3. Osiguravaju optimalne uslove za smještaj i igru sa svim potrebnim inventarom za 80 i više učesnika,
4. Nude mogućnost samo noćenja sa doručkom u iznosu dnevno po osobi od 20,00 KM za sve učesnike pod uslovom da ukupna kotizacija ostane njima kao domaćinu,
5. Nude mogućnost da ekipe nađu smještaj u dogovoru sa domaćinom uz uslov da tehničkom organizatoru uplate kotizacije po učesniku ukupno 15,00 KM,
6. Naglašavaju da oni učesnici sa USK-a koji ne budu na pansionu a budu putovali bit će u obavezi uplatiti dodatnu kotizaciju u ukupnom iznosu od 10,00 KM
7. Vrlo povoljno nude smještaj i boravak za ostala lica (pratioce-trenere, vozače, roditelje i sl.),
8. Nude kao pomoćne sudije onima koji dođu u pratnji svojih učesnika,
9. Osiguravaju gorivo za one klubove koji budu imali veći broj učesnika,
10. Nude mogućnost obilaska NP "Una" Bihać,
11. Prihvataju sve uslove tražene Konkursom od prve do posljednje tačke

4. Vatrogasno društvo Kulen-Vakuf, Bihać u Ponudi su naveli slijedeće:

1. U mogućnosti su smjestiti i pružiti potrebne usluge smještaja i hrane u objektima: Moteli, privatni smještaj i restoran za cca 70-90 i više osoba u jednokrevetnim, dvokrevetnim i trokrevetnim sobama po cijeni pansionskih usluga u visini od 40,00 KM dnevno po osobi. Nude i polupansion (noćenje sa doručkom plus večera ili ručak) po cijeni od 32,00 KM,
2. Prihvataju sve uslove navedene pod tačkama od 2 – 14,
3. Plaćanje gotovinom na licu mjesta,
4. Kontakt osoba za smještaj Kemal Štrkljević, tel.062/987-859, kontakt osoba vezano za tehničku organizaciju Edhem Duraković, tel.061/144-145,
5. Rezervacija pansionskih usluga najkasnije tri dana prije početka prvenstva

5. J.U."Penzionerski dom sa stacionarom" Ze-do kantona, iz Zenice u Ponudi su naveli slijedeće:

Ovim putem Vam se obraćamo sa ponudom za organizaciju 21.kadetskog i juniorskog prvenstva u šahu za 2015.godinu a vezano za Poziv ŠSFBiH 1/15., od 06.01.2015.godine. Dalje navode da su spremni da budu organizator i domaćin turnira i da ispunjavaju sve uvjete iz Poziva, a cijena po učesniku turnira na bazi punog pansiona bi bila

62,00 KM. U cijenu je uključena i kotizacija od 20,00 KM po učesniku. Ponuda je rađena na bazi 70 učesnika turnira. Ukoliko se ne pojavi 70 učesnika ponuda ne važi a u toj opciji nude samo smještaj učesnicima na bazi punog pansiona po cijeni od 35 KM po danu.

6. Hotel „Stella“, Neum u Ponudi su naveli slijedeće:

1. Za organizaciju takmičenja nude:

- Termin od 16.04. - 19.04.2015.
- Broj osoba cca 70
- Smještaj učesnika u trokrevetnim i četverokrevetnim sobama
- Puni pansion
- Sale za organizaciju natjecanja

2. Smještaj – cijena:

- Puni pansion u 1/3, 1/4 sobama - 80,00 KM

3. Sale za organizaciju natjecanja

- Sale za natjecanja – gratis
- Plaćanje žiralno

Svih 10 članova Upravnog odbora su dobili priliku, nakon upoznavanja sa pristiglim ponudama, da svoje mišljenje iskažu na listiću glasajući za određenu ponudu. Glasanje je bilo tajno, a nakon predaje listića predsjednik Takmičarske komisije je čitao rezultate glasanja. Predsjednik ŠSFBiH je sabirao rezultate glasanja, proglašavao rezultate i ponudu koja je dobila takmičenje. Tako je nakon glasanja utvrđeno da je Ponuda Šahovskog saveza Tuzlanskog kantona, Tuzla dobila 48 bodova, Ponuda Mjesne zajednice Kulen-Vakuf, Bihać dobila 45 bodova, Ponuda Šahovskog kluba „Bihać” ,Bihać dobila 48 bodova, Ponuda Vatrogasnog društva Kulen-Vakuf, Bihać dobila 34 boda, Ponuda J.U.”Penzionerski dom sa stacionarom” Ze-do kantona, iz Zenice dobila 20 bodova i Ponuda Hotela „Stella“, Neum 15 bodova.

S obzirom da su Ponude Šahovskog saveza Tuzlanskog kantona i Šahovskog kluba „Bihać” u prvom glasanju ostvarile isti broj bodova prešlo se na drugo glasanje između ova dva kandidata.

Nakon obavljenog drugog glasanja Ponuda Šahovskog saveza Tuzlanskog kantona je dobila 16 bodova a Ponuda Šahovskog kluba „Bihać” 14 bodova.

Na osnovu utvrđenih rezultata predsjednik Upravnog odbora gosp. Mulić Sulejman je proglasio da je tehničku organizaciju XXI otvorenog kadetskog i juniorskog prvenstva ŠSFBiH za 2015.godinu dobio Šahovski savez Tuzlanskog kantona što je Upravni odbor i potvrdio.

Sa domaćinom XXI otvorenog kadetskog i juniorskog prvenstva ŠSFBiH za 2015.godinu ŠSFBiH će sklopiti ugovor o međusobnim pravima i obavezama proisteklim iz objavljenog Konkursa ŠSFBiH, br.01/15. od 06.01.2015.

Utvrđen je termin takmičenja od 16.04. do 19.04.2015.godine.

3. Za organizaciju Devetog otvorenog muškog i ženskog seniorskog prvenstva ŠSFBiH u šahu za 2015.godinu svoje ponude su dostavili:

1. Vatrogasno društvo Kulen-Vakuf, Bihać
2. J.U.”Penzionerski dom sa stacionarom” Ze-do kantona, iz Zenice
3. Hotel “Stella”, Neum

1. Vatrogasno društvo Kulen-Vakuf, Bihać u Ponudi su naveli slijedeće:

1. U mogućnosti su smjestiti i pružiti potrebne usluge smještaja i hrane u objektima: Moteli, privatni smještaj i restoran za cca 80 i više osoba u jednokrevetnim, dvokrevetnim i trokrevetnim sobama po cijeni pansionskih usluga u visini od 63,00 KM dnevno po osobi, uz zadovoljavajuće uslove za igru sa potrebnim inventarom i sudijskom dokumentacijom,
2. Prihvataju sve uslove navedene pod tačkama 6,7,8,9,10,11. i 14.,
3. Plaćanje gotovinom na licu mjesta ili putem računa nakon dostavljenog predračuna,

4. Kontakt osoba za smještaj Kemal Štrkljević, tel.062/987-859, kontakt osoba za tehničku organizaciju precizirat će po ugovoru i ovisno od zahtjeva organizatora,
5. Rezervacija pansionskih usluga najkasnije deset dana prije početka prvenstva

2. J.U. "Penzionerski dom sa stacionarom" Ze-do kantona, iz Zenice
u Ponudi su naveli slijedeće:

U Ponudi su naveli da ŠSFBiH ne može garantovati broj učesnika, te u tom smislu ne mogu dostaviti ozbiljnu i obavezujuću ponudu. Zbog toga nude da kao domaćin stave salu na raspolaganje za takmičenje, da sve obaveze oko nagrada i troškova preuzme ŠSFBiH. U tom slučaju nude cijenu smještaja na bazi punog pansiona po učesniku od 42,00 KM u što je uključena i boravišna taksa.

3. Hotel „Stella“, Neum u Ponudi su naveli slijedeće:

1. Za organizaciju takmičenja nude:

- Termin od 01.19. - 04.10.2015.
- Smještaj učesnika u dvokrevetnim i jednokrevetnim sobama
- Puni pansion
- Sale za organizaciju natjecanja

2. Smještaj – cijena:

- Puni pansion u 1/2, 1/1 sobama - 90,00 KM

3. Sale za organizaciju natjecanja

- Sale za natjecanja – gratis
- Plaćanje žiralno

Na sjednici je utvrđeno da niti jedna od pristiglih ponuda ne ispunjava uslove tražene Konkursom, br.2/15., od 06.01.2015.godine. S tim u vezi jednoglasno je odlučeno da predsjednik i potpredsjednik Upravnog odbora i sekretar ŠSFBiH do kraja avgusta mjeseca 2015.godine obnove Konkurs za organizaciju Devetog otvorenog muškog i ženskog seniorskog prvenstva ŠSFBiH u šahu za 2015.godinu.

U vezi sa problematikom koja se javlja prilikom izbora najpovoljnijih ponuda za zvanična takmičenja koje organizuje ŠSFBiH jednoglasno su doneseni slijedeći zaključci:

- da se na zadnjoj sjednici Upravnog odbora ŠSFBiH u 2015.godini sačine ponude za organizaciju zvaničnih takmičenja,
- uraditi mjerila i kriterije za izbor najpovoljnije ponude.

Ad 4. Jednoglasno je usvojen Kalendar takmičenja ŠSFBiH za 2015.godinu s tim da tabela tri nosi naziv Međunarodni turniri u BiH, kao i da se Memorijalni turnir "Sejo Bičević" i Vikend turnir "Sanski Most 2015." iz tabele koja nosi naziv Domaća takmičenja prebaci u tabelu Međunarodni turniri u BiH. Takođe je odlučeno da se u Međunarodne turnire uvrste: Memorijalni turnir "Mujić Hamza" koji će se održati u Tuzli 20.09.2015. i Memorijalni turnir "Mustafa Sprečić" koji će se održati 25.11.2015.godine u Tuzli.

Ad 5. 1. Na prijedlog Sudijske komisije jednoglasno je odlučeno kako slijedi:

- Kadetsko i juniorsko prvenstvo ŠSFBiH sudiće: IA Kemura Emin – glavni sudija. Ostale sudije prema potrebi odrediće tehnički organizator,
- Seniorsko prvenstvo ŠSFBiH sudiće: IA Ćerim Fahrudin-glavni sudija i NA Sušić Nihad,
- Lige ŠSFBiH - Prva "A", Prva "B" i Druga liga: IA Miralem Mirza-glavni sudija, IA Čengić Šemsudin, NA Faladžić Omer, NA Miskić Sejfudin i NA Višnjić Muharem,
- Kadetsko i juniorsko prvenstvo BiH ispred ŠSFBiH sudiće: IA Boris Budimir i IA Obuća Bajro,
- Premijer ligu BiH ispred ŠSFBiH sudiće: IA Redžepović Mustafa i FA Duraković Edhem (uslovno)

2. Na prijedlog Sudijske komisije sa devet glasova "ZA" i 1 glasom "PROTIV" donesena je Odluka da sudijska članarina za 2015., godinu iznosi kako slijedi:

1. Međunarodni sudija, IA	25,00 KM
2. FIDE sudija, FA	20,00 KM
3. Državni sudija, NA	15,00 KM
4. Kantonalni sudija, NAK	12,00 KM

Uplatu članarine sudije su obavezne uplatiti na žiro-račun ŠSFBiH najkasnije do 01.04.2015. godine.

Kada je u pitanju uplata sudijske takse na nivou kantona zauzet je stav da to pitanje regulišu kantonalni šahovski savezi.

Ad 6. Okvirni program rada Upravnog odbora ŠSFBiH za period 2014. – 2018. članovima Upravnog odbora je prezentirao predsjednik Upravnog odbora. Jednoglasno je usvojen navedeni Okvirni program s tim da se isti objavi na web stranici ŠSFBiH. Dat je rok da se primjedbe i prijedlozi za dopunu istog dostave kancelariji ŠSFBiH ili lično na mail predsjednika Upravnog odbora sulmul@bih.net.ba najkasnije do 31.03.2015. godine.

Ad 7. Upravni odbor je verifikovao priloženi Program rada Sudijske komisije. Prema izjavi predsjednika Takmičarske komisije gosp. Topić Izeta urađen je Pravilnik o radu Takmičarske komisije, u izradi je prijedlog izmjena i dopuna Pravilnika o takmičenju ŠSFBiH kao i Program rada. Na osnovu provedene rasprave na sjednici dogovoreno je da se programi rada Komisija uvrste u Okvirni program rada Upravnog odbora ŠSFBiH.

Ad 8. Na sjednici je konstatirano da su neizmirene obaveze kantonalnih saveza prema ŠSFBiH kako slijedi:

I - Po osnovi registracije igrača i klubova za 2011. godinu:

1. Šahovski savez kantona Sarajevo	800,00 KM
2. Šahovski savez ZE-DO kantona	1.000,00 KM
3. Šahovski savez USK	250,00 KM
4. Šahovski savez SBK	500,00 KM

II - Po osnovi registracije igrača i klubova za 2014. godinu:

1. Šahovski savez kantona Sarajevo	300,00 KM
2. Šahovski savez USK	500,00 KM
3. Šahovski savez SBK	250,00 KM

III - Participacija troškova nastalih po osnovi vanpansionskog smještaja na Prvoj "A" i Prvoj "B" ligi ŠSFBiH za 2013. godinu:

1. ŠK „Lukavac“, iz Lukavca	240,00 KM
2. ŠK „Gračanica“, iz Gračanice	480,00 KM

Napomena: Općina Gračanica je za ŠK „Gračanicu“ uplatila sredstva na račun ŠSTK. Dakle, ostaje obaveza ŠSTK da sredstva prebaci na račun ŠSFBiH.

IV - Participacija troškova nastalih po osnovi vanpansionskog smještaja na Prvoj "A" i Prvoj "B" ligi ŠSFBiH za 2014. godinu:

1. OŠK „Dama“, iz Cazina (kotizacija i vanpansionski smještaj)	550,00 KM
2. ŠK „Ljiljan“, iz Cazina	300,00 KM
3. ŠK „Mladost“, iz Bosanskog Petrovca	120,00 KM

V - Po osnovi uplate 50% kotizacije sa XX pojedinačnog otvorenog kadetskog i juniorskog prvenstva ŠSFBiH za 2014. godinu, **ŠK „Bihać“, iz Bihaća** **500,00 KM**

Nakon provedene diskusije jednoglasno je odlučeno da se obaveze iz stavke I, III i V izmire najkasnije do kraja juna mjeseca 2015.godine, a da se obaveze iz stavke II i IV izmire do 20.08.2015.godine. Ukoliko se obaveze ne izmire do utvrđenog roka ekipe i igrači dužnika biće sankcionisani na taj način što neće biti u mogućnosti nastupiti na zvaničnim takmičenjima u organizaciji ŠSFBiH u narednom periodu.

Ad 9. Članovi Upravnog odbora su informisani da je na osnovu zahtjeva ŠSFBiH Federalno ministarstvo pravde Sarajevo dana 24.12.2014.godine dostavilo kancelariji ŠSFBiH Rješenje o upisu promjena Šahovskog saveza Federacije Bosne i Hercegovine u Registru, br.04-05-2-1269/06, od 16.12.2014.godine, kao i da je nakon dobijanja predmetnog Rješenja 24.12.2014.godine izvršena promjena potpisnika kod Investiciono-komercijalne banke DD Zenica.

Ad 10. Na osnovu Zahtjeva Šahovskog kluba „Goražde“, iz Goražda, br.2/2015., od 29.01.2015.godine jednoglasno je odlučeno da Šahovski savez FBiH sufinansira održavanje Devetog Memorijalnog turnira „Sead Bičević“, koji će se održati u Goraždu 15.marta 2015.godine sa iznosom od 300,00 (tristotine) KM.

Navedena sredstva Knjigovodstveni servis „Hamzić“ d.o.o. Zenica uplatiće na račun ŠK „Goražde“, br. 1610300002370094, otvoren kod Raiffeisen Bank DD BiH Sarajevo-Filijala Goražde.

Ad 11. Jednoglasno je odlučeno da šahovski klubovi za učešće na šahovskim ligama u organizaciji Šahovskog saveza Federacije Bosne i Hercegovine za 2015.godinu plate kotizaciju kako slijedi:

- | | |
|------------------------------|------------------|
| • Prva "A" liga | 350,00 KM |
| • Prva "B" liga | 300,00 KM |
| • Druga šahovska liga | 250,00 KM |

Ad 12. Jednoglasno je odlučeno da se za učešće na XXI pojedinačnom otvorenom kadetskom i juniorskom prvenstvu Šahovskog saveza Federacije BiH za 2015.godinu plaća kotizacija u visini od 20,00 (dvadeset) KM po igraču.

50% sredstava od uplaćene kotizacije pripada ŠSFBiH, a drugih 50% pripada tehničkom organizatoru.

Ukoliko u tehničkoj organizaciji ovog takmičenja ne učestvuje kantonalni šahovski savez sva sredstva od uplaćene kotizacije pripadaju Šahovskom savezu Federacije Bosne i Hercegovine.

Ad 13. Jednoglasno je odlučeno da će za učešće na Devetom otvorenom pojedinačnom muškom i ženskom seniorskom prvenstvu Šahovskog saveza Federacije Bosne i Hercegovine za 2015.godinu igrači plaćati kotizaciju u visini od 30,00 (trideset) KM.

50% sredstava od uplaćene kotizacije pripada ŠSFBiH, a drugih 50% tehničkom organizatoru.

Ukoliko u tehničkoj organizaciji ovog takmičenja ne učestvuje kantonalni šahovski savez sva sredstva od uplaćene kotizacije pripadaju Šahovskom savezu Federacije Bosne i Hercegovine.

Ad 14. Jednoglasno je odlučeno da po osnovi registracije klubova i igrača pri Šahovskom savezu Federacije Bosne i Hercegovine za 2015.godinu kantonalni šahovski savezi ŠSFBiH uplate sredstva kako slijedi:

- | | |
|---|------------------|
| 1. Šahovski savez kantona Sarajevo | 600,00 KM |
| 2. Šahovski savez Tuzlanskog kantona | 600,00 KM |
| 3. Šahovski savez ZE-DO kantona | 500,00 KM |

4. Šahovski savez USK	500,00 KM
5. Šahovski savez SBK	250,00 KM
6. Šahovski savez HNK	150,00 KM
7. Šahovski savez Goražda	100,00 KM

Sredstva uplatiti na žiro-račun ŠS FBiH, broj: **134-010-0000258334** kod

INVESTICIONO KOMERCIJALNE BANKE D.D. ZENICA sa naznakom: **za registraciju Klubova i igrača za 2015.**

Šahovski savezi kantona obaviće registraciju klubova i igrača pri ŠSFBiH u dva registraciona roka, i to prvi registracijski rok **od 01.01. do 28.01.2015. i drugi registracijski rok od 01.06. do 30.06.2015.godine.**

Ad 15. Većinom glasova 8 "ZA", 1 "PROTIV", uz jedan suzdržan je odlučeno da je
 a) Dvojna registracija u Prvoj "A", i Prvoj "B" šahovskoj ligi ŠSFBiH za 2015.godinu dozvoljena domaćim igračima do 20 godina starosti.
 b) Dvojna registracija u Prvoj "A" i Prvoj "B" šahovskoj ligi ŠSFBiH za 2015.godinu dozvoljena igračima koji se nalaze na rejting listi ŠSFBiH (najviše jedan igrač) koji su nastupali za jednu od šahovskih ekipa iz Federacije BiH na Premijer ligi BiH u 2015.godini.

Ad 16. Jednoglasno je odlučeno da u Prvoj "A", Prvoj "B" i Drugoj šahovskoj ligi ŠSFBiH za takmičarsku 2015.godinu za jedan šahovski klub mogu maksimalno nastupiti:

- Jedan stranac u Prvoj "A" ligi
- U Prvoj "B" ligi ne mogu nastupiti stranci
- U Drugoj šahovskoj ligi ne mogu nastupiti stranci

Definicija stranca: Igrač sa rejtingom smatra se strancem ako nije na Rejting listi BiH. Igrač bez rejtinga smatra se strancem ako nema državljanstvo BiH.

Ad 17. Jednoglasno je odlučeno da:

1. Pravo nastupa na zvaničnim takmičenjima koje organizuje ŠSFBiH u 2015.godini ostvaruju registrirani igrači ŠSFBiH.
2. Registrirani igrači ŠSFBiH koji budu igrali na zvaničnim takmičenjima u organizaciji ŠSRS i ŠSHB u 2015.godini gube pravo nastupa na zvaničnim takmičenjima koje organizuje ŠSFBiH u 2015.godini.
3. Od prethodnih stavova izuzimaju se kadeti i juniori starosti do 20 godina.

Ad 18. Jednoglasno je odlučeno da su šahovski klubovi koji će se takmičiti u Drugoj šahovskoj ligi ŠSFBiH u 2015.godini obavezni da u svom standardnom sastavu od šest igrača moraju imati juniora do 20 godina.

Ad 19. a) Upravni odbor je jednoglasno verifikovao slijedeće Odluke:

1. Odluku, br. 182/14., od 29.09.2014.god.
2. Odluku, br. 184/14., od 29.09.2014.god.
3. Odluku, br. 231/14., od 29.10.2014.god.
4. Odluku, br. 233/14., od 04.11.2014.god.
5. Odluku, br. 238/14., od 15.12.2014.god.
6. Odluku, br. 239/14., od 15.12.2014.god.

b) Na prijedlog Komisije za kadetski šah Upravni odbor je jednoglasno donio Odluku da se za unapređenje i razvoj kadetskog šaha i što uspješno vođenje škola šaha slijedećim klubovima dodijele po četiri digitalna sata donirana od strane Turske šahovske federacije:

1. OŠK "Junior", Sarajevo
2. ŠK "Preporod", Breza
3. OŠK "Dama", Cazin
4. ŠK "Preporod", Zenica
5. ŠK "Konjic", Igman
6. OŠK "Živinice", Živinice
7. OŠK "Doboj-istok", Klokotnica
8. ŠK "Goražde", Goražde

c) Jednoglasno je donesen zaključak da kantonalni šahovski savezi, odnosno klubovi gdje nema saveza podatke iz Statističkog izvještaja po tabelema 1, 2, 3. i 4. Kancelariji ŠSFBiH dostave najkasnije do 5.marta kako bi ŠSFBiH objedinjene podatke mogao u predviđenom roku dostaviti Federalnom zavodu za statistiku.

Rad sjednice je završen u 16,30 časova.

Zapisničar

Predsjednik UOŠSFBiH

Bajramović Halid

Prim. Mulić Sulejman, dr.med.